

# O'zbekiston Prezidenti Koreya Respublikasi parlamenti Spikeri bilan uchrashdi



O'zbekiston Respublikasi Prezidentining  
MABUOT XIZMATI

O'zbekiston Respublikasi Prezidenti Shavkat Mirziyoyev 17-dekabr kuni Seul shahrida Koreya Respublikasi Milliy Assambleysi Spikeri Pak Byon Sok bilan uchrashuv o'tkazdi.

Suhbatda O'zbekiston Respublikasi va Koreya Respublikasi o'rta sidagi alohida strategik sheriklik munosabatlari har tomonlama rivojlanib borayotgani, Prezidentimizning ushbu davlat tashrifi ularga yangi kuchli sur'at bag'ishlagani mammuniyat bilan ta'kidlandi. Turli darajalarda, shu jumladan parlamentlararo hamkorlik yo'nali shida samarali siyosiy muloqot va aloqalar faol davom ettirilmoqda.

O'zbekiston-Koreya munosabatlarini mustahkamlashda parlamentlararo "do'stlik guruhlari" muhim o'rinn tutadi. Joriy yil iyun oyida ularning onlayn uchrashuvi bo'lib o'tdi. Davlat boshqaruvini isloh qilish, fuqarolik jamiyati, gender masalalari, ta'lif va hududlarni rivojlantirishga doir qonun ijodkorligi masalalarida tajriba almashilmoqda.

Uchrashuvda ikki tomonlama hamkorlikni yanada faollashtirish yuzasidan batafsil fikr almashildi.

Milliy Assambleya Spikeri Koreya tajriba almashishni kengaytirishga, jumladan, O'zbekistonda elektron parlament mexanizmlarini joriy qilishga ko'maklashishga tayyor ekanini bildirdi.

Koreya parlamenti vakillari kelgusi yilda Toshkent shahrida o'tkaziladigan Jahon mamlakatlari parlamentlarining ayol spikerlari sammitida ishtiroy etishini tasdiqladi.

Shuningdek, qo'shma dastur va loyihalarni ilgari surishning yangi institutsional mexanizmlarini joriy qilish tashabbusi qo'llab-quvvatlandi.


Tomonlar "Koreya Respublikasi - Markaziy Osiyo" hamkorlik forumi doirasidagi yaqin muloqotni davom ettirishdan manfaatdor ekanliklarini tasdiqladilar.


Pak Byon Sok 2022-yilda tarixiy sanalar – diplomatik munosabatlar o’rnatalganining 30 yilligi va koreys diasporasi O’zbekistonda istiqomat qilishining 85 yilligini keng nishonlash bo'yicha tadbirlar xalqlarimiz o'rtasidagi do'stlik va o'zaro anglashuvni yanada mustahkamlashga xizmat qilishini ta'kidladi.

Oliy darajada erishilgan kelishuvlar ijrosi ustidan samarali parlament nazoratini ta'minlash muhim ekani qayd etildi. Ikki mamlakat parlamentlari vakillari bu borada bor kuch va imkoniyatlarini ishga solishlarini ta'kidladilar.



O'zbekiston Respublikasi  
MATBUOT XIZMATI





**Manba**